



partii naleraq

2.maj 2019

UPA2019/182

**Timersortartut nuna sinnerlugu unammisartut sungiusaqatigiittarnissaminnut periarfissagissaarnerulernissaat misissoqqullug Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuineri annermik angallannermut akit qaffaseqisut unamminarsinnaaneri immikkut isiginiaqquneqarput. Naalakkersuisut Timersoqatigiit Kattuffiannut, specialforbundinut kiisalu allanut soqutigisaqatigiinnut susassaqtunut attaveqaqquneqarput siunertaralugu misissuineri UPA2020-mit Inatsisartunut agguanneqartussamut, peqataatitsinissaq.**

(Inatsisartunut ilaasortaq Nivi Olsen, Demokraatit)

Inatsisartunut ilaasortaq Nivi Olsen Demokraatit, siunnersuuteqarpoq Timersortartut nuna sinnerlugu unammisartut sungiusaqatigiittarnissaminnut periarfissaagissaarnerulernissaat misissoqqullugu Naalakkersuisut peqquneqarnissaannik aalajangiiffigisassamik siunnersuuteqarluni tamannalu oqaaseqarfigissavarput.

Ulluinnarni inuunerput inuiaqatigiinni tarnikkut anersakkut timikkullu nukittuujusariaqartoq tamatta kissaatigisarparput, tassami tarnikkut nukittuujugaanni ajornartorsiutinut takkuttartunut nukissaqarnerussagatta ilismalluaqqissaarparput.

Timersorneq illoqarfinni nunaqarfinnilu amerlanerpaatigut ingerlanneqartarpoq inuit namminneq kajumissutsiminnik sulisut suliniuteqartullu tunngavigalugit. Taamatullu suliuniuteqartuut aamma nersorlugillu tapersorsortuartaqarpat, inuppassuit ulluinnarni inuunerat tassani annertuumik nukittorsarneqartarmat, namminneq kajumissutsiminnik suliniuteqarnermikkut ingerlalluartsisut taamatut suliaqartut nersualaarniarpat Partii Naleqqamiit.

Nunatsinni meeqqat inuusuttullu sapinngisamik tamarmik ingerlalluarnissaat anguniagaraarput. Aammalu meeqqat inuusuttullu ulluinnarni inuunerat ilarpassuinit oqitsuinnaanngillat tamaattumik pissutsit tamakkua qaangeriartorneqassappata sunngiffimmi sammisassat annertusartuartaqartut Partii Naleqqamiit isumaqarpugut.

Timersortartut pikkorissut nalunngilarput qanoq maligassiuisarnerat meeqqanut inuusuttunullu sunniuteqartartigisoq, tassami nuannaartorisagarunik meeqqat inuusuttullu amerlasuutigut ingerlalluarnerusartut ilisimavarput.

Tassami ulluinnarni sunniuteqartarmat inuunerissaarnerulernissamut, tamannalu assersuutigalugu pinerlunniarnerit allallu ingerlanerlunnerit ikinnerulertarnerinik, taamatullu suliniutit

kinguneqartitsisartut amerlisarlugillu annertusartariaqarpagut, pingaartumik meerartagut inuusuttortagullu ingerlalluarnerunissaat anguniarlugu.

Ukiuni makkunani nunatsinni timersornikkut siuariartuinnarneq siuariartornerlu tamatta malugilluarlugu nuannaarutigilluartaripput Partii Naleqqamiit oqaatigerusupparput.

Timersortartut pikkorissut nunatsinni suli amerlanerulernissaat amerlisartuarnissaallu tamatta politikkami suliaqartugut kissaatiguarparput, pingaartummik aamma ulluinnarni inuttut ajornartorsiutigut annertuut illuatungilersimassagutsigit, taamaattumik sukkulluunnit periarfissat tamaasa timersornermi tapersersuisarnissarput ataatsimoorfiguarparput.

Timersortartut nunarput sinnerlugu Nunarsuarmioqataasunut takutitsisarnerput kalaallit timersornikkut takutitsilluarlutik nunarput nittarsaatileraangassuk qanoq tamatta uummatitsigit kinaassutitsigullu eqeertilluinnarneqartarnerput tamannalu inuiaat ataatsimoornerulernerannik kinguneqartartoq erligalugu tapersersugassaasoq Partii Naleqqamiit isumaqarluinnarpugut.

Nunatsinni inuit ataatsimoorfiat annerpaaq tassavoq timersorneq, aammalu timersortartut kattuffiat takussutissaavoq amerlanerpaanik ilaasortaqaamat. Taamaattumik suliniutit suulluunniit inuit amerlasuut ataatsimoorfigisaat suulluunniit tapersersorneqartariaqartut Partii Naleqqamiit oqaatigerusupparput.

Nunatsinni timersortartut sungiusarsinnaanissaminut periarfissaat killeqartorujussuusut ilisimavagut nunatta namminneq pissusiata killeqartereeramatigut toqqaannartumik illoqarfimmiit illoqarfimmut, nunaqarfimmiit nunaqarfimmut ingerlasoqarsinnaanngimmat.

Taamaattumik pissutsit timersortartutsinnut pitsaanerulissappata taava Naalakkersuinikkut timersortartunut annertunerujussuarmik tapersersuisariaqartugut.

Taamatut oqaaseqarluta siunnersuuteqartoq Nivi Olsen Demokraatit siunnersuuta taperserparput, ataatsimiititaliamullu ingerlanneqarnissaat innersuussutigalugu.

Hans Enoksen